



2016-2017

Student & **RIGHTS & RESPONSIBILITIES**

Än Chon sukuun
**PWUUNG
ME WISAN**



Salem-Keizer Public Schools

WONAPEN PORAUSEN ÖPWUNGU

(Unusen porausen ewe District Policies and Procedures (Önnukun ewe Kinikin me Angangan) faniten Öpwungu, ra nomw non ew me ew ekkewe ofesin sukuun me pwan nomw won an ewe kinikin we website www.salkeiz.k12.or.us/qam/discipline-students)

Ekkei önnuk me angangan ra föör fan iten an epwe epeti me tumwunu, met wisen me an ewe chon sukuun pwuung, tori ekkewe sam me iin me chon angang. Ekkei a fis ngeni ewe chon sukuun nupwen a föri sarosarun mei ngaw atun an

1. Nomw won pwunun ewe nenien sukuun mwen sukuun, ika atun sukuun me murin sukuun.
2. Fis an sukuun kewe mwökutukut mwen sukuun, atun sukuun, ika mwurin kunokun sukuun, pachonong atun touu sukuun nukun sukuun non ekkoch neni, ika kunow me ekkewe mwökutukut ika urumwot mei fis won ekkewe ekkoch sopw ika fönu.
3. Säai ngeni sukuun ika seni sukuun ika ekkewe urumwot ika mwökutukut an sukuun.
4. Nom won pwunun ewe nenien sukuun inet chok atun nupwen an wor urumwot mei fis non ewe sukuun.
5. Fiti sukuunen summer ika nukanapen sukuun.
6. Nomw nukun ewe nenien sukuun nge mei föri osukosuk ika feiengaw ngeni chon sukuun, chon angang ika masowen ika pisekin ewe neni.

Pwan ew, ewe chon sukuun mei tongeni an epwe churi emon ekkewe sou öuröur ika souföön, ewe ARE Team, ewe Youth Services Team ika Threat Assessment Team.

FÖFÖR MI NGAW	TETTENIN NIWININ PWUNGUN FÖFÖR Epwe tou ukukun niwinin an emon föfför anongonong won sakkun föfför mi ngaw e föri, ierin me met mi piin föri mi ngaw me mwan.
<p>NINNI IKA KAWET - Aota me ekiikin efeiengawa ika emeteki emon.</p> <p>Apareru ika Sókosók - Och sakkun nikinik ngeni emon, pachonong, nge ese pwan kóuk ren kik, wechei ika awata, kük, tini, chutoni, pisiri ika efeiengawa.</p>	<ul style="list-style-type: none"> • Io chon sukuun e efeiengawa pwan emon chon sukuun esapw niwiniti an we class tori an epwe wesino niwinin met ewe e föri me epwe pwan fiti ew class ika sukuun. • Esinesin ngeni sam me iin. • Asóso seni sukuun ngeni 10 ran. • Eniwini mettoch e angei ika omusomus. • Esinesin ika no ngeni ponis. • Sopwosopw me saspem ika fen touu seni sukuun. • Epwe chek ika mei wor osukosuken non mókuran nge ekkewe sam me iin repwe wisen eani sekiningan ika pwe epwe kamó
<p>Pwári angangen Efeiengawa - Eniwokusu ika enniwa emon ren omw ereni ika mak ngeni pwe kopwe efeiengawa.</p> <p>Fótekini, Aosukosuka, Enniwa, Eriáni ika Eriáfföuu, Eriáni ika Eriáfföuu chon won internet - (INS-A003. INS-P028) - Pwomen fótekini, enniwa, nuwangaw, eriani ika eriáfouu, me eriáni/eriaffouu won internet, me aosukosuka esapw fis nefinen chon sukuun, chon angang ngeni chon sukuun, ika chon sukuun ngeni chon angang. Ekkewe chon sukuun repwe fokkun ammasowa ewe form ika taropwe INS-F030 mei wor non ewe ofes, naipreri, me ewe counseling center ika pwe mei fisi ngenir ekkei sakkun osukosuk. Sam me iin, chon tumwun, me chon non ewe neni ra tongeni ar repwe föri nóur taropwen nanangaw ren ar churi meinapen non ewe sukuun ika föri non napanapen angangan ewe mei mak me non ewe District policy (ADM-A005) and procedure (ADM-P008). Emon aramas mei tongeni föri echó repot ngeni ewe preneponun non ewe sukuun nge esapw pwan pwári itan. Meinapen non ewe sukuun epwe nenengeni ekkei repot. Emon aramas mei tongeni tungorei ewe a wisen nemeni ika tumwunu ewe sukuun won met ekkewe chon angang ra kutta me sinei ren met ei ouskosuk a fis.</p> <p>Ioñ ewe chon sukuun a pwá ren an atai ekkei önnuk epwe angei öpwungun. Mei atai önnukun ewe Kinikin nupwen emon epwe cháchári emon an a sinei pwe a wor echo taropwen repot ren met ewe e föri ngeni ewe emon chon sukuun. Ika pwe emon chon sukuun epwe pwá an föri ei sakkun iwe epwene angei kópwungun.</p>	<ul style="list-style-type: none"> • Esinesin ngeni sam me iin. • Mwich won epwe ifa ussun atawen esapw wor ekkei sakkun osukosuk. • Saspem chok non sukuun nge epwe wor met epwe föri ren pekin sukuun. • Saspem ika asóso non engon ran nge epwe wor met epwe föri ren pekin sukuun. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit:Students INS-P028</u> • Ngeni ponis repwe angang won. • Mwich ngeni sam me iin me mwen epwe niwiniti sukuun. • Sopwosopwono chok me saspem fiti fengen me ekiik won ika epwene touu seni sukuun. • Epwe wor chek won nge ekkewe sam me iin repwe wisen móni.
<p>Nuwangaw ika Sikepwach - Nuwangaw ese ketiw, me tungorun epwe wor nuwangaw non kapas, mak me inis me met mei osukosuka an ewe aramas káeo me pwan an fiti ekkewe urumwot ika mwökutukut an sukuun me met mei efisata nuokus, koput ika fitikoko ngeni ewe neni.</p>	
<p>Nifinifin aramas - Ew nuku ren chon non ew neni pwe iir ra kon óchchu seni ekewe ekkoch aramsen pwan ekkoch neni mei pwá non ngingin ar kapas me föfö.</p>	

<p style="text-align: center;">FÖFÖR MI NGAW</p>	<p style="text-align: center;">ETTENIN NIWININ PWUNGUN FÖFÖR</p> <p style="text-align: center;">Epwe tou ukukun niwinin an emon föfför anongonong won sakkun föfför mi ngaw e föri, ierin me met mi piin föri mi ngaw me mwan.</p>
<p>Pusin nemenemeni - Nikinikin an pusin nemenemeni mei pachonong anneasonap ika ese tipe ew ika fiti pwungun ekkewe chon angangen non ewe sukuun, foos, mwō kutukutun inisin me assamwongaw, aosukosuka pwan ew class, ekkewe urumwot an sukuun ika ekkewe urumwot ika mwō kutukut mei nomw fan tumwunuwen ewe sukuun, sakosakun ika nikinikin mei ngaw mei föratā feiengawen ewe chon sukuun ika pwan ekkoch me chommong an no ngeni ofes fan iten an nemenemengaw.</p>	<ul style="list-style-type: none"> • Omwōkutu seni ewe classroom me ekkewe mwōkutukut an sukuun. • Kōkkōri me mwich ngeni ekkewe sam me iin. • Mwōchutiw, saspn non sukuun. • Saspn ika asōsō seni sukuun ngeni 10 ran fiti fengen me föri eoch mettoch fan iten sukuun ika fen saspn chok non sukuun. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit;Students INS-P028</u> • Sopwosopwono chok ne saspn fiti fengen me ekieki an epwe tou seni sukuun.
<p>Pisekin efeiengaw - Isois, uwow ngeni, amōmō, ika pwarano ekkewe sakkopateen pisekin efeiengaw ren chowen pistor, nikōsuk me ekkewe mei nget pwan puung, sakkopaten pisekin efeiengaw mei tongeni an epwe nieno emon aramas ika fen efeiengawa, me ika pwe ese pwan namot ngeni masowen sukuun me ewe chon sukuun.</p>	<ul style="list-style-type: none"> • Angei seni ewe pisek e äeä ne föri ewe föfför. • Kōkkōri me mwich ngeni sam me iin. • Ngeni ponis repwe angang won. • Sopwosopwono chok ne saspn fiti fengen me ekiek won ren an epwene tou seni sukuun.
<p>Ekkewe mei chok nikinikin pisekin efeiengaw - Isois, uwow ngeni, amōmō ika pwarri ekkewe sakkun pisek mei tongeni an epwe pwan pisekin efeiengaw ussun met mei affat me non o'nnuk me ika pwe esapw namot me esapw ew mettoch ewe chon sukuun epwe äeä ren pekin sukuun.</p>	<ul style="list-style-type: none"> • Angei seni ewe pisek e äeä ne föri ewe föfför. • Kōkkōri me mwich ngeni sam me iin. • Saspn non sukuun. • Saspn ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit;Students INS-P028</u> • Ngeni ponis repwe angang won. • Sopwosopwono chok ne saspn fiti fengen me ekiek won an epwene tou seni sukuun.
<p>Sakaw me ekkewe ekkoch safei - Isois, kamo, aeä ika fen sakaw me pwan ngasaranong ekkewe safei mei efeiengaw mi moromor, ika ekkewe sakkun safei mei affat me non o'nnukun ewe Uniform Controlled Substance Act, ORS 475.005. Isois ekkewe sakkun safei itan paraphernalia, me ekkewe sakkun safei taitap ngeni chok me ika fen assokonoi äean.</p>	<ul style="list-style-type: none"> • Angei seni ewe pisek e äeä ne föri ewe föfför. • Kōkkōri me mwich ngeni sam me iin. • Ngeni ponis repwe angang won. • Saspn non ika nukun sukuun ngeni 10 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit;Students INS-P028</u> • Sopwosopwono chok ne saspn fiti fengen me ekiek won an epwene tou seni sukuun. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit;Students INS-P028</u>
<p>Sakaw me ekkewe ekkoch safei - Amōmō, eineti ika isois sakaw fan iten amōnō me pwan ekkewe safei mei moromor mei efeiengaw mei nom fan o'nnukun ewe Uniform Controlled Substance Act, ORS 475.005, pachonong ekkewe safei ussun chok napanapen ekkewe ekkoch me pwan sakkono äeän seni met mei mak seni doctor ika ekkewe ese pwan wor taropwen meren tokter.</p>	<ul style="list-style-type: none"> • Ī Mei tongeni an epwe fiti ekkewe pwan ekkoch sukuun faniten an epwe pese seni met ekkewe sakkun föfför mi ngaw mei föfföri nap seni an epwe angei chappen met ewe e föri.
<p>Supwa ika ekkewe mettoch mei wor supwa non - Kooii, isois, amōmō, kamo, uwow ngeni, eineti, ika äeä supwa. Mei pwan pachonong ekkewe ussun chok supwa me ekkewe mei wor supwa non me ekkewe safei mei kawor pwe supwa me pisekin supwa.</p>	<ul style="list-style-type: none"> • Angei seni ekkei pisek e äeä ne föri ewe föfför mi ngaw. • Esine ngeni me mwich ngeni sam me iin. • Ewe meinap epwe ngeni och mettoch epwe föri. • Saspn non ika nukun sukuun ngeni 3 ran. <u>Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit;Students INS-P028</u> • Ngeni ponis repwe angang won.
<p>Fiti sakkun - Etiwano ranin sukuun ese mwumwuta - ese nifinifin atun an etiwano sukuun nge ese wor mwumwutan meren ekkewe sam me in ika ion ewe a wiseni wisen sam me iin ngeni ewe semirit.</p>	<ul style="list-style-type: none"> • Esinesin ngeni sam me iin. • Epwe wor o'pwungupwung seni meinapen ewe sukuun an epwe o'chuno ranin an fiti sukuun. • Mwochutiw non sukuun ika saspn non sukuun. • Ngeni ponis repwe angang won. • Epwe ripit pwe ese naf an credit.
<p>Fiti sukuun - Mang - Ese nifinifin atun an etiwano sukuun nge ese wor mwumwutan meren ekkewe sam me iin ika ion ewe a wiseni wisen sam me iin.</p>	<ul style="list-style-type: none"> • Kōkkōri sam me iin. • Epwe wor o'pwungupwung seni meinapen non ewe sukuun won an epwe o'chuno ranin an fiti sukuun. • Mwochunong ika saspn seni sukuun. • Ripit fan iten ese naf an credit.

FÖFÖR MI NGAW	ETTENIN NIWININ PWUNGUN FÖFÖR Epwe tou ukukun niwinin an emon föfför anongonong won sakkun föfför mi ngaw e föri, ierin me met mi piin föri mi ngaw me mwan.
Keek - Ese nifinifin met sakkun mwö kutukut ika föfför epwe pwärata angangen keek.	<ul style="list-style-type: none"> • Angei seni ewe pisek e äeä ne föri ewe föfför. • Kökköri me mwich ngeni sam me iin. • Uwei ngeni ponis. • Eniwini ngeni minne pisekin ewe. • Atou seni ekkewe urumwot ika mwö kutukut an sukuun tori an epwe eniwini ngeni emon newe pisekin ewe ika omusomus. • Saspenseni sukuun mei tongeni noo ngeni 10 ran. Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit: <u>Students INS-P028</u> • Sopwosopwono chok me saspenseni fiti kokkotun an epwene touu seni sukuun.
Computer Network me Internet - Nöunöw computen ren och mettoch ese och ika nöunöw fan iten an epwe enniwa ika affanga ewe sukuun pwe epwe atai pisekin ika fen efeiangawa chon angang, ika osukosuka ekkewe prokram an ewe kinikin, me ekkewe computer, ussun met a äwewetiw me non ewe District Policy INS-A004.	<ul style="list-style-type: none"> • Esinesin ika kökköri sam me iin. • Kouno ne nöunöw ekkewe pisek non ukukun 30 ran. • Saspenseni non sukuun. • Saspenseni ngeni 10 ran. Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit: <u>Students INS-P028</u> • Esapw fokkun chiwen nöunouw ekkewe pisek. • Ngeni ponis repwe angang won. • Sopwosopwono chok ne saspenseni fiti fengen me ekieki an epwene touu seni sukuun.
Atai me Sonani pisekin emon - Aota ika fokkun atai ewe nenien sukuun ika pisekin ewe sukuun me sonani pisekin ewe sukuun me pwan aramas pachonong tumwunungaw ngeni ekkewe pwuuk, locker me nook.	<ul style="list-style-type: none"> • Kökköri sam me iin. • Eniwini pisekin emon kewe. • Saspenseni non sukuun. • Saspenseni ngeni 10 ran. Ren ekkewe chon sukuun non mwichen 5 ika kukkunutiw, katon ena Kinikin 3.3.3 me fan ena Emmirit: <u>Students INS-P028</u> • Tou seni ekkewe urumwot tori epwe niwin ekkewe pisek. • Sopwosopwono ne saspenseni fiti fengen me ekieki an epwene touu seni sukuun. • Ngeni ponis repwe angang. • Ekkewe sam me iin repwe möni an epwe chek ren tokter.
Ika ese kamö tiw niwinin, pakking, me niwinsefanin ekkewe pisek mei ta me pöutuno.	<ul style="list-style-type: none"> • Kökköri sam me iin. • No ngeni ekkewe chon angei niwinimang ika fen pwan ngeni ponis.

SASPEN

Saspenseni ew chok asöso ika tou seni ewe nenien sukuun me ekkewe pisekin sukuun tori ekkewe sakkopaten mwö kutukutun sukuun pwan pachonong ekkewe urumwot me ekkewe sein sukuun fansoun mwochomwoch chok esapw napeseni 10 ran. Ewe ofes epwe ngeni ewe chon sukuun, sam me iin me ewe a wisen tumwunu ewe semirit ruu ran won porausen kokkotun an ewe chon sukuun epwe saspenseni ren an epwe tongeni wor fansoun ar repwe wanong ar tungor ngeni meinapen ewe neni. Ewe meinapen non ewe neni epwe nengeni ewe taropwe me awora ew atun arongorong. Epwe pwan wanong echo taropwen finata ngeni ewe sukuun non ukukun 3 ran seni ewe atun a wor ewe tungor. Mei wor an ewe chon sukuun, sam me iin, ika ewe a wisen tumwunu ewe semirit pwuung ar repwe tungor ngeni ewe mwichen soupwung anongonong won met ewe chon nemeni ewe neni me io kewe ra finata me öpwungono, Repwe awora ar ei tungor non 2 ran seni ewe atun a pwuungono ei kokkot.

TOU SENI SUKUUN

Ese fokkun nifinifin ngeni ion chon sukuun mei atai an ewe kinikin kewe önnuk me angangan epwe touu seni sukuun. Ewe mwichen soupwung non ewe sukuun ika ekkewe ra wisen finata ar repwe wisen atouu ewe chon sukuun me non ewe sukuun me met masowen ewe

sukuun, sein sukuun, me pwan ekkewe urumwot me mwö kutukutun sukuun esapw napeseni ew ier.

ika pwe mei wor terin ewe chon sukuun, me mei mangono angangen cheki nge a föri ew ekkei föfför minne a pwunguno pwe epwe touu seni sukuun ren, nge me mwen an epwe fis ei atoot an epwe touu seni sukuun, iwe epwe akkoumw wor pworaus won ika epwe fen seni osukosuken inisin ei a föri ei föfför.

Ewe chon sukuun a finita pwe epwene touu seni sukuun epwe wor an arongorong fan mesen ewe Hearing Officer (ewe a kefin pwe epwe äni ei arongorong); ei arongorong epwe fis anongonong won met masowen ewe önnuk ORS 332.061 me pwan ussun met mei mak non ewe district policy and procedures ussun met epwe emwen seni ewe Meinap. Epwe wor chon anisi ewe chon sukuun nge epwe fan pusin noun ewe chon sukuun moni. Me mwen epwe fis ena arongorong, ewe chon sukuun ika inan me seman ika ewe a wisen tumwunu repwe nengeni ekkewe taropwen pwarata a katonong seni ewe sukuun. Mei mwumwu ngeni ewe chon sukuun an epwe pwärata non kapas, mak, me pwan ekkoch pisekin pwärata. Pwungun ei arongorong epwe pwunguno anongonong won met ekkewe pisekin pwärata mei katonong non ewe arongorong. Ewe chon nemeni ei arongorong epwe makkei non taropwe met a finata pwe pwungun ewe arongorong nge epwe föri non 24 awa seni ewe atun a fis ei arongorong. Ika pwe e kawor ei taropwe non 5 ran atun sukuun ika e fen föri non ukukun 7 ran me murin sukuun a wes fan Suun, iwe ekkewe sam me iin ika ewe chon tumwun ika pusin ewe

chon sukuun a ierini 18 epwe tungor an epwe wor amwet fan iten epwe wor ew mwichen soupwung repwe katon ewe taropwen finata seni ewe a nemeni ewe arongorong nge repwe ammasowa ewe taropwen Notice of Appeal seni an ewe meinapen ewe neni we ofes. Ei taropwen amwet epwe nom non an ewe Superintendent (meinapen ewe neni) we ofes.

PEKIN KÄEO AN EPWE WOR EKKESIWIN

Anongonong won met meinapen ewe sukuun a finata, emon chon sukuun e atai masowen ewe önnuk an ei kinikin re pisekin efeiengaw,

safei(drugs), me sakaw epwe fiti ewe District's Diversion Program (ew anapanap fan iten met ewe chon sukuun epwe fiti me nukun an epwe touu).

EKKEWE EKKOCH PEKIN SUKUUN IKA KÄEO

Epwe wor esinesin ngeni ewe chon sukuun a touu won ekkewe ekkoch pwan pek in sukuun ika käeo ra fö'r ar repwe awora sakkopaten mettoch, fansoun, anapanap me ika angangen osukuun repwe tongeni fiti nupwen ar touu seni sukuun.

WISEN CHON SUKUUN ME AR PWUUNG

IOIFENGENIN CHON SUKUUN

Ewe Kinikin 24J mei affona an chon sukuun pwuung ren ar repwe ioifengen. Mei och epwe fat pwe chommong ekkewe sukuun a kon wuur mei fö'ratä naffangawen neni. Ioien chon sukuun ika mwichefengenin chon sukuun epwe fan iten chok sukuun, esapw osukosuka ekkewe class, esapw pwan efeiengawa emon aramas ika pisek. Epwe wor tungor ngeni ewe presepon akkoumw me mwen epwe fis ena mwich me chon sukuun repwe sinei ena fansoun.

PASIKEN & SKATEBOARDS

Ese fokkun nifinifin ngeni ion chon sukuun mei mochen wawato pasiken ngeni sukuun. Nge mei chok ö'ch ewe chon sukuun epwe sinei önnukun me tumwunun wawan pasiken. Met ekkei mei tettenitiw fan mei kapach ngeni masowen ewe önnuk ren wawa pasiken

1. Ewe önnukun Oregon fan iten akkawen pasiken ORS 814.485 e mutata emon semirit seni ier kukkun feita won ier 15 an epwe imweimw ekkewe akkawen pasiken mwi mwumwuta nupwen an wawa pasiken non neni mei osowäwä, won aan , nepekin aan, me non ekkewe nenien kukunow (park).
2. Esapw wor wawa pasiken won pwunun ewe sukuun atun kunokun sukuun ika atun an fis ekkewe urumwot me sarin ekkewe mwö'kutukut.
3. Ese mwumwuta ö'kköruwemon won efoch pasiken.
4. Ewe presepon ika chon angangen non ewe sukuun ika sam me iin repwe ngeni ewe chon sukuun niwinin an atai ekkei önnuk.
5. Ekkewe chon sukuun repwe nokei war kewe pasiken ngeni ekkewe mechä. Ewe chon sukuun epwe pwusin weweiti nge tumwunun wan we a pusin nonom ren ina pwata epwe fokkun forifichi tumwunun nenian.

Ese nifinifin ngeni io chon sukuun mei mochen wawato skateboard ngeni sukuun. Nge mei och pwe ekkewe chon sukuun re kan wawa skateboard repwe sinei me fori ekkewe onnuk mei tumwunu manawen emon me emon me repwe pwan pwäri ar wawaö'ch ekkei pisek. Ekkei önnuk fan pwan sopwosopwun chok ewe önnukun wawa skateboard:

1. ORS 814.600 ika an Oregon onnuk faniten chon wawa skateboard, a tichiki ar repwe imweim ekkewe akkaw mei tumwunu chamwer seni feiengaw.
2. Ese mwumwuta wawa skateboard won pwunun ewe nenien sukuun. Nupwen ewe chon sukuun epwe tori pwunun ewe sukuun, iwe epwe pwiniti me uwei wan we skateboard.
3. Chon sukuun resapw wawa war kewe skateboard unukun ekkewe sein sukuun (pas).
4. Ewe presepon me chon angangen ewe sukuun repwe wisen wauu niwinin tumwunungawen wawa skateboard me afonongawa önnukun kewe.

UNUSEN PWUNUN EWE NENIEN SUKUUN EPWE KESIP

Ewe Kinikin a fokkun tichiki an chon sukuun repwe nomwetiw won pwunun ewe nenien sukuun atun sukuun, tiwan chok ren met mei namot. Meinin chon sukuun repwe nom won pwunun ewe neni seni atun ra war nesosor tori atun a sar sukuun. Ei fansoun mei pachonong kunokun neonowas me met ekkei epwe fis: feino me feito seni neimw fan iten mwö'ngön neonowas ussun met mei wor tungorun seni ekkewe sam me iin, fö'ri ö'kkunör ika no ngeni ar kewe appoinmen sam me iin ir mei fen tungor fan itan, me fö'ri ew prokram a fen wesino kokkotun meren ewe sukuun ussun ren work study ika angang fan iten sapwosopwun chok käeo ika sukuun. Ekkewe chon sukuun repwe angei ar mwumwuta seni ewe ofes me mwen ar repwe no seni pwunun ewe nenien sukuun atun sukuun.

Ew neni mei suuk (INS-P024) a mwut ngeni ekkewe chon sukuun ar repwe tongeni touu pwan niwinsefanito won pwunun ewe nenien sukuun non fansoun ar angei ar mwö'ngön aion ika nanowas, iei met mei kan pwunguno an epwe fis ieiteiten ier anongonong won an ekkewe nouwis tungor me an ewe Superintendent finata.

FÖRUN NANANGAW (ADM-P008)

Ewe kinikin a angang won ekkewe taropwen nanangaw non pwung me wen, ese pwan eipo, nge epwe poputa won ewe sukuun fanitan ei nanangaw a kawor ika ewe putäi. A men ö'uchea epwe wor touren poraus nefin me nefin nupwen epwe fis ei angang pwun ewe epek epwe weweö'chiti met wisen emon me emon. Inet chok a tufich, taropwen nanangaw meinin epwe tonong me epwe wor poraus won me ren ewe sukuun ika putäi, me epwe pwan fatafatö'ch me tetenö'ch ussun met mei mak non ewe District's Complaint Procedure (ADM-P008). Angangen tettenin fö'run nanangaw a nomw won an ewe kinikin we website. Ewe önnukun non ewe Kinikin Sukuun non Salem-Keizer ese etiwa pwomen ä'chä'chä' ika an emon epwe chä'chä'ri ewe aramas a fö'ri ewe angangen nanangaw.

EKKEWE SAKKOPATEN MECHÄ MEI FIFI ME INTERNET MEI KAWOR FANITEN PEKIN SUKUUN (INS-A004)

Emon chon sukuun ierini mei kukkun seni 18 mei tongeni an epwe nö'und'u computer me non ekkewe sukuun non Salem-Keizer tiwan chok ika pwe inan me saman ika ewe chon tumwunu rese mwutata ren ar amasowa ewe taropwen esapw nö'und'u kompiuter (INS-F048). Ewe Kinikin ika Neni epwe pinei seni an epwe nö'und'u computer me esine ngeni ponis ika pwe e atai ewe önnuk (*District policy*).

NIKINIK IKA SÓRÓSÓR WON EKKWE SEIN SUKUUN

Ekkewe chon sukuun repwe fokkun fiti ekkewe sein sukuun ussun met mei fen affat me non ewe District Procedure TRN- P036. Epwe chok sopwosopwono an emon chon sukuun fiti ekkewe sein sukuun ika e fori ewe District Discipline Policy and Procedures (õnnuk).

AN EKKWE SAM ME IIN IR MEI ANAMU EKKWE SEMIRIT ME EKKWE RESE ANAMUR PWUUNG

Ewe Kinikin epwe wauu ngeni ekkewe sam me iin met mei wesewesen affat me non ewe õnnuk (Policy INS-PO22). Porausen chon sukuun epwe ngeni emon chok nein ewe sam ika iin ika ewe a wisen tumwunu ewe semirit, me nukun chok ika mei wor taropwen pwãrtã seni kõpwung, õnnuk seni ewe state ika fõnu, ika taropwen õnnuk fan iten mufesen, imwufesen ika fan iten ion a wisen anamwu ewe semirit mei tongeni eppetì ekkei pwung. Ekkewe sam me iin rese anamwu ewe semirit repwe esine ngeni ewe sukuun ika ian repwe tinano ian ekkewe taropwe. Ewe õnnuk Oregon ORS 107.154 (1) me (4) a apasa pwe inamwo ika met a touu seni kõpwung, fan iten emon me nein ekkewe sam me iin epwe wisen anamwu ewe ika ekkewe semirit, esap fokkun eppetì an ewe emon sam ika iin an epwe mwumwu ngeni an epwe:

- Katon me angei porausen noun we me kõkkõri ekkewe chon angang an epwe sinei nonomwun noun we me an sukuun ussun chok met ewe emon mei wisen anamu a fõri.
- Epwe mwutata angangen safei mei weiweita ika atapwanapwan, pekin ngii, ekkewe ra wisen angang ngeni pekin ekiek ika nonomwun, ekkewe ra wisen angang ngeni pekin mei umwes ika osukosuken ekiek me pwan ekkewe ekkoch pekin aninis ren inis ika pwe ewe emon sam ika iin e anamwu ewe semirit ese nom.

Ewe chon sukuun ese tongeni an epwe fiti emon epwe era pwe ii ewe chon anamwu ewe semirit tiwan chok ika pwe ewe sam ika iin mei makkei itan me epwe pwan pwãrata pwe mei wor noun taropwe seni ewe fõnu Oregon fiti fengen me noun ID.

UFF ME NIMENIMEN INIS (INS-W023)

Wisen ewe sukuun an epwe õnukunuku me tumwunu ewe nenien sukuun pwe epwe ew nenien kaeo mei fokkun murinno pwe chon sukuun repwe fetanõch non ar sine, iei minne ekkewe sam me iin repwe tumwunu met sakuun pisek nõur kewe repwe pipisek non sukuun tori nimenimen inisir. Epwe wor õurõur ngeni ewe chon sukuun tori inan me saman pwe kãeõ a pwan tongeni osukosuk ika pwe ese pwuung met ewe chon sukuun e ufouf ika pipisek me pwan nimenimen inisin.

Sipwe fokkun angei seni chon sukuun ekkewe sakkun uuf ika pisek tori ekkewe niouten inis ika pwe mei ngaw. Awewe ren ekkena sakkun uuf mei ngaw, ekkewe uuf mei anemesengaw mei seneno ese kon pwonuweno en inis; mei pwãri, foos non niosun, ika pesei unumi supwa, ekkewe mettoch mei wor supwa non, safei, sakaw, nifinifin aramas, osukosuka. ika wesesen affata are fori angangen nuwõngaw ika einimwei. Kapach ese mwumwuta ekkewe uuf mei fout ika chungwa pisekin effeiengaw ika ekkewe uuf mei pwãrata pwe ir chon ew gang. sipwe pwan angei senir.

Ew me ew ekkewe sukuun repwe pusin finata ika repwe anapano ar kewe õnnuk seni mwumwutanewe mwichen sou õurõur me an ewe sam me iin we mwichen õurõur ika fõn. Ekkewe sukuun mei wor unifom non repwe fiti pwungun ewe õnnuk an ewe Kinikin ren unifom (INS - W023).

EKKWE KUKKUN MECHã

Ekkewe kukkun mechã mei pwan tongeni osukosuka angangen kãeõ me arun unusen ewe nenien sukuun. Ikkei ekkei kukkun sakkun pisek ika kukkun mechã ese wor namotan ngeni pekin kãeõ are masowen kãeõ ren chowean cell phone, pagers ika beepers, ekkewe pisekin rongorong ren headphones me ekkewe kukkun reitio ika teip, ika ekkewe games ika minen urumwot. Ewe sukuun epwe angei seni ion chon sukuun mei awora ika anamwu ekkei pisek. Epwe esinesin ngeni sam me iin ar repwe etto angei ekkei pisek. Chon sukuun ir mei tongeni uwow cell phone nge epwe seni an sam me iin mwutata me ika esapw pwan osukosuka unusen ewe nenien sukuun.

PEKIN KãEÕ NGENI CHON SAKKOPATEN CHON SUKUUN MEINISIN (ADM-A009)

IMEI mak non õnnukun ewe Kinikinin Sukuun 24J nge esapw wor emon chon sukuun mei sukuun non ewe kinikin esapw pachonong non, ika angei ekkewe aninis ika tufich, ika fen pinepin seni ekkewe pekin aninis fan iten sukuun ika sakkun mwõkutukut mei tou seni ewe sukuun ika mwumwuta seni ewe mwichen soupwung seni ewe sukuun fan iten ierin, ika mei ter, chon ia, sokkun aramas, õnuwen inisin, an namanam, niemet, winin, nonomwun ika mei pwupwunu ika osupwang. Chon angangen non ewe Kinikinin Sukuun 24J repwe sopweno ne awora ew pekin kãeõ esapw wor nifinifin me oturau ekkewe mettoch mei awora nifinifin ngeni chon sukuun.

PWUNGUN PWãRATã IKA OTOURA (INS-A029)

Ewe Kinikinin Sukuun 24J a pwan mochen affata me pesei ngeni emon me emon chon sukuun pwe mei wor ar pwungun pwãrata ika affata mefier. A pwan wor wisen ekkewe chon sukuun ar repwe aninis me pwan sopweno kokkotun õchun angangen ika mwõkutukutun sukuun.

Ekkewe chon nemenem non ewe sukuun repwe fokkun tumwunu õchu pwe chon sukuun ika iõ esapw awora ika eineti ekkewe taropwe ika poraus mei ngaw ika osukosuka ewe nenien sukuun. Ekkewe poraus ika taropwe chon sukuun ra makkei esapw wor kapasen angawa ekkoch aramas, osufõnungaw, esit me nifinifin. Iei minne, me mwen ekkewe poraus me and chon sukuun kewe speech epwe touu, ewe meinap non ewe sukuun epwe akkoumw katon me mwutata ika epwe touu. Angangen nengenfichi ekkei poraus esapw pwan witiwitino. Ekkewe prentsepon iir chon makkei ekkewe poraus a fõr me non ekkewe sukuun.

MWõNGO ESE KAMõ ME KISITIW MõMõN

Ewe Kinikinin Sukuun 24J mei fitinong non ewe National School Lunch me Breakfast programs. Ir me ruu ekkei prokram ika aninis ra nom fan nemenien ewe United States Department of Agriculture (U.S.D.A). Ewe U.S.D.A. a awora ekkoch õnnuk ika emwen fan iten ekkewe sukuun ir mei nom won ei prokram ren ew nein mwõngõn neonowas ika nesosor. Ren mwõngõn nanowas, chon sukuun repwe mwõngõ ekkewe mwõngõ meinisin (grain, futuk/ekkei ekkoch siwinin futuk, fõunira, iasai, me minik) seni ewe mwõngõ mei kawor, nge non ewe õnuukun U.S.D.A, pwe chon sukuun ra chok tongeni angei 3 sakkun mwõngõ seni 5 sakkun mwõngõ, ew epwe esopw kapen fõunira ika iasai. Ren mwõngõn nesosor, chon sukuun repwe angei 3 sakkun mwõngõ seni 4 ekkewe mwõngõ mei kawor (grain me epwe pwan nemeneman ika epwe pwan angang futuk, fõunira ika iasai, me minik). Ew Poraus seni USDA/ODE: Ew mwich mei anõnõpõ ku an angang ngeni meinisin.

MWICHEICH

Wewen gang, ew mwichen aramas unumōn chōn ika fen napeseni nge mei pwan wor iten ar ei mwich me esisinin pwan ōnuwan; me mei pwan pachonong non ekkewe sakkun fō ffōr mei ngaw. Ekkei sakkun mwicheich ese ketiw me non ekkewe sukuun non ei Kinikin.

Ika pwe emon chon sukuun epwe pwā an esisinata pwe i emon chon ew gang, ika kuttunong chon ei gang me pwan awora ekkoch mwō kutukut fan iten ei gang me atai ewe ōnnukun sukuun (District's Code of Policy and Rules), ika pachonong non met ewe gang ra fōri mei ngaw, iwe sipwene otoura ngeni ponis ika fen atouu seni sukuun.

Ei esapw fan iten ach sipwe pinei an emon epwe fōrata ika choni ew mwicheich mei ōch.

SENSU SENI EKKWE HIGH SCHOOLS

Ekkewe chon sukuunen high school mei fiti ekkewe urumwot repwe ōpwōnuweta ekkewe ōnnuk (District Policies and Rules). Non ei ōnnuk a pwan affat pwe emon chon urumwot esapw wun supwa, sakaw me ekkewe ekkoch sakkun safei mei ngaw non ewe ewin ran a poputa ne fiti ika pachonong non ekkei urumwot non unusen ewe ierin sukuun me pwan ekkewe ier epwe feito nge mei chok chiwen nom non ekkei pekin urumwot non ekkewe sukuun non Salem-Keizer. Pōchōkun ei ōnnuk a fis non 24 awa ew ran, ngeni mwuchunon sukuun non ew ierin sukuun. Ion nein ekkewe chon urumwot epwe atai ew ekkewe ōnnukun urumwot epwe angei niwinin ussun chon ekkewe chon sukuun rese fiti ekkei urumwot me pwan saspēn seni ekkei urumwot non ukukun 3 wik me epwe chek ika mei fen angei ekkewe safei mei ngaw.

Mei pwan neā an ekkewe sensu repwe angei 2.0 (ruu poin) ar repwe tongeni choni ekkewe urumwot ussun met mei fen affat non ewe District Policy and Rule INS-A014, an ewe kinikin Salem-Keizer, mei kan ngeni ika wewe ngeni ewe High School Student Athlete Expectations.

CHEKIN EKKWE LOCKER ME PISEKIN CHON SUKUUN

Ekkewe lockers me chepen ekkewe chon sukuun iir mei ākāēā, an ewe sukuun me mei nom fan nemenien ekkewe chon angang non ewe sukuun. Ekkewe sukuun mei āni ourekin ika pwe ekkewe chon sukuun ra isois ekkewe mettoch mei atai ōnnuk me ika rese tumwunuochu ekkewe pisek. Anongonong won met sia eāni ōūmōūm pwe mei wor, iwe, epwene wor angangen chek non pisekin ewe chon sukuun me ekkewe lockers repwe suuk seni meinapen non ewe neni nge epwe fōri non weweōch.

WAA IKA TARAKU

Chon sukuun high school ir mei tongeni uwow taraku ngeni pwan seni sukkun. Ekkoch sukuun rese mwutatai fan iten naffangawen nenien park, tumwunun an esapw wor feiengaw me tumwunun ekkewe pisekin sukuun, me osukosuka sukuun. Ewe Kinikin mei tongeni angei niwinin parking. Ese mwumwuta an ekkewe chon sukuun repwe sā won war kewe atun kunokun sukuun, pachonong atun mwongōn neonowas nge rese angei ar mwumwuta seni ewe preneponun ewe sukuun. Ewe sukuun mei tongeni ōukatiw seni ewe chon sukuun an epwe chiwen uwow waa ngeni sukuun ika pwe a atai ewe ōnnukun uwow waa. Ese mwumwu ngeni ekkewe chon sukuunen middle ar repwe uwow waa ngeni sukuun.

Wisēn ekkewe sam me iin ar repwe makkei taropwen ewe waa non ewe ofesin sukuun me mwen ewe chon sukuun epwe tongeni uwei ika unteng ngeni sukuun. Ekkewe chon sukuun ra pwusin tongeni fōri taropwen ewe waa me non ewe ofes ika pwe ra ier 18. Chon sukuun repwe fōri ōnnukun ewe sukuun ren pekin uwow taraku fansoun ar nomw non ewe nenien sukuun.

MET EWE CHON SUKUUN EPWE FŌRI NUPWEN A NŌ NGENI SUKUUN ME NŌ SENI SUKUUN

Ewe sukuun a men fokkun ōureki ika ekieki tumwunun manawen ekkewe chon sukuun fansoun ar feino ngeni me no seni sukuun me pwan ekieki tumwunun pisekin ekkewe chon nomw arun ewe sukuun. Meinisēn chon sukuun ir mei feino ngeni me no seni sukuun ra nomw fan nemenien ewe sukuun me ewe District Discipline Policy and Rule.

PWUUNG REN KATON PORAUSEN EWE CHON SUKUUN

Non ewe District Procedure INS-P022 mei affata pwe sam me iin ika ewe chon tumwun me pwan pusin ewe chon sukuun, mei wor ar pwuung ar repwe:

1. Oururu me katon ōch ussun porusen an ewe chon sukuun kāēo.
2. Tungor epwe wor ekkesiwin ika pwe ese pwung porausen an sukuun me mwaninio fetanin ika fen osukosuka nonomwun ewe chon sukuun me an pwuung.
3. Mwuata non taropwe kapasen pwārata fan iten porausan tiwan chok met mei nom non ewe ōnnuk pwe ese pwan wor namoten angei mwumwuta won pwan ekkoch pekin.
4. Anongonong won ewe Oregon Administrative Rule 581-021-0410 (ew ōnnuk), ka tongeni fōri taropwen nan ren ewe United States Department of Education. Ena taropwen nan epwe affata pwe ewe Kinikin ese osufōnu ewe ōnnuk ren an famini pwuung fan iten sukuun me pwan ewe ōnnuk ren mwonomwonun porausen ewe chon sukuun (Family Educational Rights me ewe Privacy act).
5. Angei echo kapin ewe District Procedure INS-PO22. Ei ōnnuk a kawor me non ew me ew ekkewe sukuun, a pwan nom non an ewe chon nemeni ewe neni we ofes me pwan won ewe website an ewe District ika Kinikin.

Sam me iin ika ion ewe a wisēn tumwunu ewe chon sukuun ika pusin ewe chon sukuun mei fich ngeni, mei mochen epwe katon ekkewe poraus fan iten an sukuun, iwe epwe otouranong an tungor ngeni ewe prenepon ika ion ewe a wisēn kefinita.

FITI SUKUUN

Ekkewe sukuun non ei kinikin Salem-Keizer ra awora ew pekin osukunun mei chok nōnnōpōk ngeni chon sukuun meinisēn. Emon chon sukuun epwe fokkun sopwōch non an kāēo ika pwe an sine me an fiti sukuun repwe tipew fengen. A fokkun ōuchea an emon chon sukuun epwe fiti ew me ew an kewe class non fansoun fōr kreit ren an epwe tori an kewe goals me met ekkewe repwe tori me non ewe class.

Wewen ei foos fiti, emon chon sukuun mei nomw ika ese nomw non sukuun. Ew etiwano sukuun mei mwus ewe mei ketiw meren ewe prenepon ika ion ewe a fini epwe wisēn anganga nge epwe seni ekkei mei affatetiw an chon sukuun samaw, met mei atapwan, mei wor tungorun me mwan, ika ekisatiw niwinin met ewe e fis. Ew etiwano sukuun ese mwus ew chok nein mei mwus ika ese official, me ewe chon sukuun mei tongeni angei ōpwung ren.

Emon me emon ekkewe prenepon me nōun kewe chon angang ra wisēn fōri ei angang repwe anapano me ōmwōkutu ew ōnnukun fiti sukuun me ifa ussun angangan ika masowen non mei pachonong met ewe sukuun e mochen ewe chon sukuun epwe fōri me epwe pwan ōpōchōkuna ika pesei fifiti sukuun. Ew me ew sukuun epwe anapano me anganga ew ōnnuk ren mang ngeni sukuun. Ewe kinikin epwe esinesin ngeni ewe sam ika iin ika iō we a wisēn tumwunu ewe semirit ika pwe ewe chon sukuun ese wareiti sukuun me ese fat ika met popun

an etiwano sukuun. Tungorun an esapw fis o'pwung faniten an ese mwus ewe fansoun etiwano sukuun epwe fōr seni ewe angangen nan an ewe kinikin.

Pwan ew, ewe meinapen non ewe sukuun ika iō we a wisen ani ei angang epwe esinesin ngeni ekkewe sam me iin ika ewe a wisen tumwunu ewe semirit won an ewe chon sukuun ewe ese fiti sukuun me ese pwungupwungōch an wareiti sukuun. Ika pwe mei chok sopwosopwono an esewar (ese fiti sukuun) ika pwungupwungungaw an wareiti sukuun (wanu ese mwus ew esopw ran ese war, ika met mei taitap ngeni, non ukukun ruwanu week), meinapen ewe sukuun (ika io we a wisen ani ei angang) epwe awora echo taropwen esinesin epwe eiti ngeni ika epwe certify ni iwe a tinano ngeni ewe sam ika iin ika iō we a wisen tumwunu ewe semirit pwe ewe semirit epwe nomw non sukuun non ewe ran mwurin an a tori ewe taropwe me epwe sopweno tori mwuchunon ewe ierin sukuun.

Ika pwe ewe sam me iin ika ewe chon tumwunu ewe semirit rese o'pwo'nuweta met ewe a esinesin ngenir, iwe fan pwungun ewe o'nnuk ORS 339.925, ewe presepon ika ewe a wisen fōri ewe angang, repwene makkei echo' taropwe ngenir (non foosun fōnuwer) pwe Ewe sam ika ewe iin ika ewe a wisen tumwunu ewe semirit me ewe semirit repwene fiti mwich ngeni meinapen ewe sukuun ar repwe poraus won ei napanap ika osukosuk' ewe sam ika iin ika ewe a wisen tumwunu ewe semirit epwe atononga nōun we at ika nengin me o'nnukunuku pwe mei wareiti sukuun iteiten atun sukuun me ounusa an atun sukuun Ika pwe ese wanong, tinano me tumwunu an wareiti sukuun mi ew atai o'nnuk fan ewe Class C. Ika pwe ese wareiti sukuun me pwungupwungungaw ran wareiti sukuun mei chok sopwosopwono, ewe chon nemeni ewe sukuun ika ewe a wisen anganga epwe wauu echo' tikit ussun met mei fiti ewe o'nnuk ORS 339.925. Ika pwe e fis ngeni emon chon sukuun a wate ierin ekkewe sam me iin ika ewe chon wisen tumwunu rese tongeni nemeni, iwe epwene no ngeni ekkewe ponis re kan wisen angang ngeni semirit.

KUTTA ME O'MWŌCHÓNÓI (INS-A015)

Mei wor an ekkewe meinapen non ewe sukuun pwuung ar repwe fōri ar angangen kūt non pisekin ewe Kinikin kewe me pwan pisekin chon sukuun anongonong won met ewe re ekieki pwe mei wor, me ra pwan tongeni angei met ekkewe ese mwumwutā' epwe wor non ewe sukuun, mei atai o'nnuk me pisek mei efeingaw, me ika pwe epwe efeingawa ewe sukuun. Inet chok a tufich, epwe poputa ewe angangen chok nge epwe seni an ewe chon sukuun mwutata'i me ii epwe pwan nomw non na atun kūt. Ika pwe mei wor ekkewe pisek ese mwumwutā, atai o'nnuk me mei efeingaw, iwe ekkewe meinapen non ewe sukuun repwene pusin finata ika menni nein ekkei kokkot repwene fōrí Angei ekkewe pisek mei atai o'nnuk' repotei ngeni ponis' poputani ewe district discipline policy and procedure. Iteiten ier, epwe wor esinesin ngeni sam me iin, chon sukuun pwe epwe wor angangen kūt an ekkewe konak non

non ekkewe pisekin sukuun me pwan ika pwe meinapen ewe sukuun epwan nuku nge mei wor ekkewe mettoch mei atai o'nnuk chon sukuun ra isoni non pisekin sukuun kewe, iwe ekkewe konak repwene wisen kūt nge esapw pwan affat inet fansoun.

EKKWE PONIS REPWE CHOSANI CHON SUKUUN

Ekkewe chon o'pōchō'kuna o'nnuk ika ponis ra tongeni repwe chosani chon sukuun me non ewe nenien sukuun. Chon angangen non ewe sukuun ir mei tongeni esine ngeni ekkewe sam me iin ika chon tumwunu ewe chon sukuun won met ewe mei fis ika pwe ekkewe ponis ir mei mwutata'i.

MŌMŌ ME AN CHON SUKKUN NIWINIMANG (INS-A012)

Ewe chon sukuun tori inan me seman me ewe a wisen tumwunu repwe wisen ani marataan mōmōn ekkewe pisekin sukuun mei pōutuno ika ta.

Ewe Kinikin epwe ioni ekkei niwinimang anongonong won ukukun met ewe o'nnukun Oregon(Oregon State Statute) a mwutata'i.

Mōmō' ese kamotiw, pakking, me ika ese siwin ekkewe pisek mei ta ika pōutuno iwe epwene: ewe chon sukuun esapw tongeni an epwe fiti ekkewe urumwot ika mwo' kutukut me ika mwo' kutukutun sukuun pachonong nge esapw chok ikkei ren ekkewe ceremonies ika atun an chon sukuun chuffengen me ika ekkewe mwo' kutukut faniten sochungio, atun urumwot, me atun pwo'ruk an chon sukuun (pachonong prom). Ewe sukuun epwe fōri pwungun o'nnuk, pachonong an epwe uwei ngeni collection ika awora echo' taropwen nan ngeni kō'pwung mwirin an tour esinesin ussun met mei fen affat me non ewe o'nnuk ORS 339.270.

ETIWANO SUKUUN ME NOMWONONG NON IIMW

Keizer mei wor o'nnukun su seni class ika etiwano sukuun nge ese wor mwumwutā. Ei o'nnuk mei eppet an ekkewe kūt'kūn nefinen 7 me 18 ier ar repwe nomwefetan non ekkewe neni atun sukuun, me mei pwan o'kū'kū' natiw rānin etiwano sukuun me o'kukunatiw fō'fō'ringaw. Ika pwe ranin an ewe chon sukuun fiti sukuun ese pwung, iwe ewe Kinikin epwene nenengeni ika epwe met popun me pwan esine ngeni ekkewe sam me iin ika ewe chon tumwun, me o'pwungupwung ika epwe ifan sakkun kokkot epwe anisi ei osukosuk. Ewe Kinikin a tongeni sopweno an angang ne fōri met pwungun masowen ewe o'nnuk, me pwan ngeni ponis repwe angang won fiti fengen me niwinin ewe taropwen kō'pwung mei ettā' ngeni,160.

Masowen ei pwuk mei kan sisiwin me o'kkō'chuno. Chon nōunow ei pwuk repwe no ngeni ewe QAM website ren minafōn ekkesiwin.



Christy Perry, Superintendent

Ese wor nifinifin aramas me non ekkewe sukuun non Salem-Keizer 24J epwe nong won sokkun, ōnuwan, chon ian, niemet, terin me ierin ar repwe fiti ekkewe sakkun mwōkutukut me prokram an ekkei sukuun. Ekkei o'nnuk ra chok otoura masowen ewe o'nnukun federal (pachonong TitleIX) ; ren porausen ekkei o'nnuk won nifinifin aramas me kapas eis kopwe ngeni ewe Compliance Officer, Kisin ewe meinap non ewe Human Resources Office a nom 2450 Lancaster Dr. NE Salem, OR 97305.

Phone# 503-399-3061